

Yohaannisi Xaafeedda Heezzentho Kiitaa **Geluwaan**

Yohaannisa heezzentho kiitaa, Yesuusi kiitteedda ammaniyaa asaa kaalethiyaa cimaa Yohaannisi xaafeedda. I xaafeeddawekka Gaay-oosa giya itti woosa golliyaa kaalethiyaawaassa. Xaafii, Gaayoosi hara ammaniyaaawantta maaddeedda diraw A galatee; hara bagganna qassi Diyootiraafisa geetettiyyaa metuwaa medhdhiyaa bitaniyaappe naagettana mala akeekissee.

Shemppatuwaa Ubbatuwaassi Imetteedda Qantha Qofatuwaa

Geluwaan (1-4)

Gaayoosi galatettowaa (5-8)

Diyootiraafise naagettanaadan odettowaa (9-10)

Dimexiroosi galatettowaa (11-12)

Wurssethaa qutiyaa (13-15)

¹ Taani ammaniyaaawantta kaalethiyaa cimay, tumu siiqiyyaa ta siiquwaa Gaayoosaw ha dabidaabbiyaa xaafay. ² Ta siiqoo, neeni Xoossaanna de7iyaa de7uu lo77a gidiyaawaaa taani eriyaawaadan, neena ayayiinne waayissenna malanne qassi ne asatethay paxa gidana mala, Xoossaa woossay. ³ Ayissi gooppe, amareedda ishatuu yiide, ubba wode neeni tumatethaan de7iyaawaanne ne

tumatethaabaa markkattedda wode, taani
daro nashettaaddi. ⁴ Ta naanay * tumatethaan
de7iyaawaa sisiyaawaappe aadhdhiide, taana
nashechchiyabaa baawa.

Gaayoosabaa Asay Markkattee

⁵ Ta siiqoo, nu ishatuu imatha gidooppekka,
neeni unttunttoo oothiyaa oosuwaa ubbaan
ammanetteedda oosuwaa oothaadda. ⁶ Qassi
unttunttu ne siiquwaabaa ammaniyaa asatoo
markkatteddin; unttunttu qanxxennaan bare
ogiyaa baana mala Xoossay dosiyaawaadan,
neeni lo77obaa ⁷ oothaade unttuntta
maaddaarikkii. ⁷ Ayissi gooppe, Xoossa
ammanennawnttuppe ayinne akkennaan,
Kiristtoosa sunthaa diraw keseeddino. ⁸ Hewaa
diraw, nuuni tumatethaa unttunttunna ittippe
oothana mala, hawanttu mala asatuwaa
maaddanaw bessee.

Diyootiraafise Seeretteedda; Dimexiroosi Sabet- teedda

⁹ Taani ammaniyawanttoo, dabidaabbiyaa
xaafaaddi; shin unttunttu kaappuwaa gidanaw
koyyiayaa Diyootiraafise nuuni giyaawaa
akkenna. ¹⁰ Hewaa diraw, taani yaa biya wode,
I nu bollan haasayiyaa iita haasayaanne I
ootheedda oosuwaa hinttenttoo odana; qassi I
hewe guuxxeedda giide, nu ishatuu yiyyaa wode
mokkenna; haray atto unttuntta mokkanaw
koyyiawanttakka diggiide, ammaniyawanttu
giddoppe kessee.

* ^{1:4} Ta naanay: Godaa ammaniide kaalliyawantta guussaa.

¹¹ Ta siiqoo, lo77obaappe attin, iitabaa malatoppa. Lo77obaa oothiyaa ooninne Xoossaa assaa; shin iitabaa oothiyaa ooninne Xoossaa erenna.

¹² Dimexiroosi lo77a gidiyaawaa asay ubbay markkattee; tumatethay bare huuphiyankkaaabaa markkattee. Nuunikka qassi aabaa markkatteetto; nu markkatethay tuma gidiyaawaa hinttekka eriita.

Wurssethaa Sarotaa

¹³ Taani new xaafanaw koyyeedda darobay de7ee; shin waraqataaninne qalamiyaaninne xaafanaw kooyikke. ¹⁴ Shin taani matan neenanna gakkettanaw qoppay; he wode nuuni gakeettiide haasayana.

¹⁵ Sarotethay neenanna gido.

Ne dabbatuu neena saro saro yaagiino. Nu dabbatuwaa ubbaa unttuntu sunthaa sunthaa xeesaade, taana saro saro geedda yaaga.

Ooratha Caaquwaa New Testament in Dawro (ET:dwr:Dawro)

copyright © 2011 The Word for the World

Language: Dawro

Translation by: Wycliffe Bible Translators, Inc.

Contributor: The Word for the World Ethiopia

Dawro New Testament

The Word for the World International

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-12-29

PDF generated using Haiola and XeLaTeX on 11 Nov 2022 from source files dated 29 Jan 2022

5b570ff5-a6e8-534a-b573-14968b5f3d71